


醫籍攷

卷五十五五十六  
方論三十三三十四

武  
2  
28



武門  
2  
卷 28

九折堂山田  
氏圖書之記

簡氏  
齋

同治  
年  
書

醫籍考卷五十五

東都 丹波元胤紹翁 編

方論 三十三

孫氏天仁集三半張真人神速萬應方

國史經籍志四卷

存

明史方伎傳曰張三丰遼東懿州人名全一一名君實三丰其號也以其不飾邊幅又號張邈邈頎而偉龜形鶴背大耳圓目鬚髯如戟寒暑惟一衲一蓑所啖升斗輒盡或數日一食或數月不食書經目不忘或處窮山或遊市井能一日千

里嬉笑諧謔，旁若無人。嘗遊武當，諸巖岳語人曰：「此山異日必大興，時五龍南巖紫霄，但燬於兵火，三丰去荆榛，辟瓦礫，與其徒創草廬居之，已而舍去，行遊四方。」太祖故聞其名，洪武二十四年，遣使徧覓之，不過。後居寶雞之金臺觀，一日自言當辭世，留頌而逝。縣人共棺殮之，及葬，聞棺內有聲，啓視則復活，乃游四川，見蜀獻王，復入武當，歷襄漢，不常厥處。

劉氏淵然濟急仙方

醫酉藏目錄一卷

存

明志方伎傳曰：劉淵然，贛縣人，幼出家為祥符宮道士。後詣

雩都紫陽觀，師趙原陽，傳其法，能呼召風雷。洪武二十六年，太祖聞其名，召之。既至，入對便殿，賜號高道，館朝天宮。永樂中，從駕至北京，仁宗嗣位，賜號冲虛至道。元妙無為光範衍教莊靜普濟長春真人，給二品印誥，與正一真人等。宣德初，進號大真人。七年，乞骸骨，命送南京朝天宮，御製山水圖歌賜之。卒，年八十二。閏七日入斂，端坐若生。

徐氏杜真方書

未見

休寧縣志曰：徐道聰，子杜真，駢脅，犀頂，負殊相。後精大人科，著方書。

雷氏伯宗千金寶鑑

未見

閩書曰雷伯宗名勳以字行讀書明醫尤精於小兒科洪武間授醫學正科著有千金寶鑑

蔣氏用文治効方論

未見

陳鎬蔣恭靖別傳曰蔣用文名武生以字行其先魏人世有宦業洪武初伯離者由元進士薦為史官以疾辭出為蘭陽縣丞徙居句之龍潭八都城用文早承家學尤邃於醫初入太醫院為御醫永樂八年陞院判日侍文華殿其醫主李明

之朱彥脩不執古方而究病所本自為方故所治恒十全王公貴人下逮氓隸有疾衆醫難愈者謁用文治即愈謂不可愈無復愈者其報不報未嘗計受知仁廟隨事獻規多所弘益上嘗論保和之要對曰在養正氣耳正氣完邪氣無自入焉又嘗問醫于卿效率緩何也對曰善治者必固本急之恐傷其本是以聖人戒欲速也永樂二十二年秋卒壽七十有四上甚悼之遣中使護喪歸督治祠墳明年改元三月下詔特贈曰恭靖獻徵錄

陳繼蔣用文傳曰其為詩文有靜學齋集若干卷治効方論若干卷

陸氏昂蘭臺金匱

未見

鄞縣志曰陸昂字本高始居會稽遷於鄞自幼習舉進士業凡經史百家翰墨無不旁搜博覽性剛方與人寡合已而父病遂棄其業攻岐黃書以醫自給周旋調護親獲者年聲名大著叩者如市永樂初辟至京師預修蘭臺金匱元機素要等書

元機素要

未見

劉氏均美拔萃類方

明志二十卷註曰一作四十卷

未見

錢塘縣志曰劉均美號閔耕齋讓產異母弟以閔右實京師居善藥先丐者後市者邑人許昉客死美殯殮歸其喪解縉楊士奇俱為歌詩稱之晚年術益精活人益多年九十卒所著有拔萃類方四十卷劉氏慶源錄三卷

周氏禮醫學碎金

明志四卷

存

自序畧曰余幼習儒書長究醫業浪跡江湖間三四年探

攷樞素繹絡群方未嘗怠遇有各醫輒往請益得其方書之  
善者則辨受抄錄惟恐有失迨茲暮年尚有欠焉此蓋由余  
之資鈍質愚故耳幸遇聖朝恩彌六合濡及蒿萊叨受良醫  
正領職以來戰戰兢兢欲圖補報將何能哉荷蒙賢王體天  
地生物之心為心法皇上好生之德為德嘗諭護衛遴選聰  
明俊逸子弟委臣禮等教授軒岐諸家之書愚切有懼焉何  
患弟子初學非惟一時不能以造其微而尤恐有類盲已誣  
人之患者是以忘其固陋每遇公暇輒於難經素問與支歷  
代名醫書中搜索玄微撮其切要間亦竊附己意撰成歌括  
次第成帙以投諸生使其讀取數句以上則一藏府之理渙

然矣斯其易學而易精將見得之於心應之於手使方寸無  
疑俾人生有賴是亦小補云爾書成目之曰醫學碎金諸生  
倘以予言不耄翫讀詳味久自得之使杆格之病無而微妙  
之理得則一旦豁然貫通矣豈不由投碎金之投爐煨煉溶  
化欲成其器一火而就乎但俟同志恕予白首狂簡改而正  
之斯其美矣於是乎書永樂十三年歲次乙未春二月上澣  
日迪功郎良醫所良醫正梅屋老人周禮自序

錢氏夢醫林會海

嘉興府志作  
醫林驗海

明志四十卷

未見

嘉興府志曰錢萼精醫有聲吳越嘗手輯醫林驗海一編凡四十卷

許氏宏湖海奇方

八卷

存

序說曰夫醫通仙道推聖賢救苦之心藥驗神功體天地好生之德運陰陽而燭理資膏肓以盡年博物能名通機循道普濟大札大庇群生草木咸得其性鬼神無所遁情此醫教之所由設也至於望聞問切當求神聖工巧之奇暑濕風寒必別春夏秋冬之異地有東西南北之不同人有老少虛實

之各異六失者醫之大戒八要者世之良規氣有補瀉宣通味有炮燼炙煉若乃七傳者死邪侵五藏之難為間藏者生病在六府之易治汗吐下乃法之大要亢承制為理之至微味分五品有甘辛鹹酸苦之宜病驗六經在肝心脾肺腎之內能知病之所在則用藥如用兵討無不服不知病之所在則觸途而具行動致顛隕故張長沙有冤魂塞於具路死尸盈於曠野之誠可不懼乎宏幼慕真風長參醫業自愧材庸智淺聞寡見疎學道少入神之妙為醫久洞視之明讀書無資世之才遁世之休糧之術欲得恬愉澹泊寂靜無為外絕罽塵內修真性其志罔能遠也於是歷醫數載勤苦勞心仰

守料規罔敢忽怠。又念人居天地之中，以飲食起居為養生之本。其有飲食誤傷，禁忌起居，有犯災傷。又或遠居村落之中，或在旅途之際，或貧常而無力請醫，或貴料而難為措置。往往束手待斃者為多。於是搜採葛仙遺書，名公詳論，本草節要，湯液餘膏，有所効驗者，不必分別經絡，搜求陰陽，人人皆可曉用，用力少而効應多者，列為八卷。閱卷一閱，了然在目。此為湖海之秘傳，實乃濟世之捷徑。字之曰湖海奇方，不惟易於成功，亦且不至差失，更能遇有病者，教益於人，其陰德尤未可量也。昔永樂二十年歲在壬寅七月二十四日己卯，建安八十二翁許宏祥手謹書。

通元錄

未見

按右見于建安通志

胡氏滌衛生易簡方

明志四卷

存

明志註曰：永樂中，滌為禮部侍郎，出使四方，輯所得醫方進於朝，一作十二卷。

楊氏溥用藥真珠囊括

未見



陳繼跋曰太常卿兼翰林學士江陵楊公以姬孔之道中正之心而佐君上其所志者欲使天下之人皆躋壽域未嘗一毫爲已也餘暇爲是編亦可見其所存然學醫者精之利其用藥亦足有通矣怡菴文集

錢謙益曰楊溥字弘濟石首人建文二年進士除翰林編修靖難後轉太子洗馬下詔獄宣德元年以大常卿兼學士直內閣歷官至少保武英殿大學士正統十一年卒謚文定列朝詩集

劉氏全備註解病機賦一卷

存

葉氏尹賢拯急遺方

一卷

存

汪賓序畧曰臨江通守永嘉尹賢葉侯近得醫家秘用加減十三方繼得倉卒急救三十九方其濟人利物經驗之效固非他方可比若人得之急無方脈之士亦可以對證用藥詳審加減而疾亦無不瘥焉葉侯得而寶之嘗謂予曰諸家醫書浩瀚卒難檢閱况值危急之時諸醫不及往往大橫可悼每於聽政之餘編集諸方次第會成一帙總而名曰拯急遺

方持銀梓以廣其傳，傳子序以識之。予謂疾以科目致身，以仁慈立政，凡有利國益民之事，無所不用其誠。今為此方一行，而深病者得以療其病，窮瘁者得以濟其瘁，庶幾倉卒無大橫之憂，頃刻有迴生之喜。其所以立仁政者在是，所以永民之命者在是，其所以體皇朝愛民之誠者亦在是矣。其與蘇耽杏林之惠同揆也。故披其實書諸篇端，以識其用心如此云。

趙氏李敷救急易方

國史經籍志八卷 通行本二卷

存

高宗本序略曰：國朝永樂間，太宗伯明忠安公有衛生易簡方，正統間又有趙叔父救急易方。黃吉甫備急仙方，衛生易簡方有官板，又刊于四川，刊于浙江，備急仙方則刊于吳下，河南大參孫公伯大又以救急備急二方總名之曰備急，而刊于河南，此皆仁人之用心，無非欲廣其傳，使天下之人轉大關而為仁壽之歸也。

熊氏良佐新增救急易方

八卷

存

楊一清序略曰：救急易方集於吳人趙叔文，世之有力者屢

嘗翻刻其傳亦廣矣鎮江守博興熊公良佐取而閱之曰是能救人之急而簡易行者然猶病其不備悉合群書而附益之參以平日所聞見釐爲八卷門分類集視舊本不啻倍之於是竒方奧訣前人所經驗者收拾殆盡矣既就工銀梓將屬合郡之里正耆老人給一冊以備且夕不測之急而其里鄰族黨之有急者得博濟焉嗚呼茲非仁人之用心哉

黃氏吉甫備急仙方

未見

許氏敬經驗

三卷

未見

嘉興府志曰許敬字孟寅世爲感化鄉人祖文達父景芳皆以醫鳴敬世其業有聲宣德間院使蔣主善薦入內院英宗患喉風更數醫弗效敬進絳雪噲之遂愈上嘉甚賜以羊酒拜太醫院御醫賜勅獎諭年七十致仕有經驗三卷藏於家

蔣氏達善醫鏡

三十卷

未見

武進縣志曰蔣宗武祖達善以醫名吳越間所著有醫鏡三十卷

丁氏毅蘭閣秘方

未見

江寧府志曰丁毅字德剛江浦人路逢殯者棺下流血毅熟視之曰此生人血也止舁者欲啓之喪家不之信毅隨至墓所強使啓棺乃孕婦也診之以針刺其胸而產一兒婦亦旋甦蓋兒手執母心氣悶身僵耳針貫兒掌兒驚痛開拳始婉通邑稱神著有醫方集宜玉函集蘭閣秘方人爭傳之崇祀鄉賢

按醫方集宜玉函集丁鳳所著也鍼下死胎始自李洞玄治長孫皇后後醫家比比稱之詳見于先府志所載子醫積

固不足信焉

徐氏彪論欬嗽條

二卷

未見

按右見于獻徵錄太醫院判徐公墓志

熊氏宗立山居便宜方

國史經籍志十六卷

存

備急海上方

國史經籍志二卷

未見

釋氏景隆慈濟方

醫藏目錄四卷

未見

慈惠方

一卷

存

自序曰生生之道源源無窮順其大化疾自何來微乖其理疾乃潛生命之入者其患亦大醫藥申救寧可忽乎神農嘗味軒岐難問異人迭出以宏其教業其教者各有專門非釋

子之事然佛聖人之教法以成道爲本利人爲用如法修行釋子事也言利人者有內外爲內指明心外施方便內外雖殊利人則一若稽佛聖人曠劫濟人之行隨機而應初無定方且言其捨身命救人之一端亦非才智者所能計其萬一況有萬德萬行乎伏讀六度等經觀佛行實痛感於衷故於禪誦之暇或遇利人之事亦不忍棄之所謂惻隱之心人皆有之也然亦不能大有爲但順其可爲之所宜耳或聞湖海緇素言及歷試海上方或醫書遺失之方必錄之積以成帙不爲私淑安可滯之於篋不得利於人乎故鏤於板名慈濟方臨川冷齋先生序之已傳于世厥後復有所聞亦積成帙

凡得一善必欲與人共之稟性而然也今亦鈔梓以廣其傳  
或有一方二方可以對機取用為亦一助而已矣是書從慈  
心而作因名慈惠云正統十三年龍集戊辰春正月朔越十  
又三日中吳釋空谷景隆序

董氏宿誠効神聖保命方

十卷

存

徐春甫曰董宿四明人正統間為大醫院使深察藥性博究  
醫書治療立方輒有奇効故輯奇効良方七十卷今行于  
世

奇效良方

七十卷

未見

方氏賢奇效良方

明志六十九卷

存

陳鑑序略曰太醫院使會稽董宿嘗集諸家之方類為一帙  
未及成書而逝今院判吳興方賢惜其採輯未備猶不能無  
擇簡去取之未安者間與御醫楊文翰翻閱載籍重加訂正  
凡方論之輕重失宜先後不倫煩而未及刑要而未及採者

悉從校勘與夫投門而經驗者悉從收入條分縷析精思博  
究彙萃成編爲門六十有四爲卷六十有九題曰竒効良方  
爰缺諸梓上以裨乙夜之覽下以廣四方之傳其用心甚溥  
其爲力甚勤亦可嘉也已亦可尚也已吾知是書一出不惟  
有以輩億萬於皇國抑且有以登群黎於壽域豈曰小補之  
哉於不可易言之中而有至易者存吾於是書取有焉

邵氏以正秘傳經驗方

醫藏目錄一卷

存

明史方伎傳曰劉淵然徒有邵以正者雲南人早得法於淵

然淵然請老薦之召爲道錄司左元義正統中遷左正一領

京師道教事景泰時賜號悟玄養素凝神冲默闡微振法通

妙真人英宗復辟以正具疏辭詔以左正一間住未幾真人

張吉薦其戒行詔復真人仍掌道教天順六年八月卒

丘氏濬群書抄方

國史經籍志一卷

未見

錢謙益曰丘濬字仲深瓊山人少孤七八歲能詩敏捷驚人

景泰五年進士改庶吉士歷官掌詹尚書弘治四年年七十

餘兼文淵閣大學士直內閣八年卒於官贈大傅謚文莊

何氏孟春續群書抄方

國史經籍志一卷

未見

自序曰春於群書中所得之方鈔而傳之以續瓊山丘先生之所鈔者也蜀唐慎微考諸方書及經史子傳佛道藏書藥方醫論而附于本草之末為類證披拾多矣瓊山所鈔則慎微前之所遺而後來人事之既驗者春之續鈔又瓊山所遺後人欲志慎微之為其有取于斯乎瓊山鈔方自序感暇日記避難止小兒哭法而成其帙春於續鈔蓋亦有為今歲兩淮三吳浙東西民饑道瑾相藉陶學士大道九可以禦方

示

施也往歲江西湖南民苦疫甚蘇學士聖散子可以收效而人弗知也春茲寔致思焉又其附書四方事頗涉異然冥應靈契氣通理感殆有未可誣者覽者定不迂之若類證後名家諸方則醫學多所刊行專門有成書在春何與哉弘治甲子歲十月二日燕泉居士餘冬序錄

錢謙益曰何孟春字子元郴州人弘治癸丑進士長沙異其才擬入史館以父憂罷授兵部職方主事歷郎出補河南參政入為太僕卿以僉都御史巡撫雲南召為吏部右侍郎世廟即位詔議尊親禮大臣相繼去位子率部院臺諫力爭泣諫於左順門上疏上撫諭再四跪泣不起左遷南京工部右

元



侍郎無何盡作諸佛議者削籍錮不復用屏居著述有餘冬  
叙錄行世穆廟初追贈禮部尚書賜謚文簡

李氏湯卿心印紺珠經

醫藏目錄二卷

存

朱攜序略曰予家祖儒醫乃東平青字王太醫口傳心授之  
徒也有李君湯卿者同其時焉蓋劉守真先生金朝人也初  
傳得劉君榮甫再傳得劉君吉甫三傳得陽坡潘君東平王  
公寔吉甫之門人也予父既襲祖術又授業於李君湯卿之  
門而得傳心之書九篇其論本諸天地之造化其法源乎運

氣之陰陽推之可以應萬病之

可以為寸心之訣焉

幼而學儒長而學

之未明由儒而後始明術之未精由

儒而後始

道之未明由儒而後始行因披玩是書力久而

一旦豁然貫通焉頓知法無定體應變而施藥不執方合宜

而用蘊諸中形諸外雖未能如響之應聲教之應桴萬舉萬

全百發百中亦嘗活人於枕席之上多矣予恐其服膺久而

忘也輒自暇日錄之於書以俟知者故曰父母有疾病臥於

牀委之庸醫比之不慈不孝事親者不可以不知醫先覺之

言豈欺我哉

四庫全書提要曰心印紺珠經二卷明李湯卿撰湯卿不知

何許人是書為嘉靖丁未嘉興府知府趙瀛所校刊上卷曰  
原道統曰推運氣曰明形氣曰評脈法下卷曰察病機曰理  
傷寒曰演治法曰辨藥性曰十八劑融會諸家之說議論頗  
為純正惟以十八劑為主而欲以輕清暑火解甘淡緩寒調  
奪濕補平榮澀和溫數字該之未免失之拘泥

李氏榮二難寶鑑

未見

謝毓秀曰樵陽子李君嵐溪榮者余家之外祖也深明乎醫  
理活人以萬計嘗述紺珠經一書又自著二難寶鑑一編回  
生達寶序

唐氏椿原病集

醫藏目錄四卷

五世孫時升六世孫  
敏學等序作六卷

存

自引畧曰我始祖永卿教授自宋元以來世居邑治西南之  
齊禮坊下卷以學術精明重於當時迄今八世無替者何也  
博濟為心而不以利易操也汝等當體此兢兢無怠庶不負  
祖宗遺德且醫學之家書帙浩瀚辭理深奧吾恐爾輩受業  
不能遍知大理故蒐集各家精要質以父祖至訓間附己意  
斟酌病源編類成帙名曰原病集分為四類取四德為目蓋元  
者始也大也以類醫道源流切要之理亨者通也利者宜也

以類據證擬病鈐治之法。負者正而固也。以類應病之方。此所謂得其大通而利於正之意也。以類分門以門鈐法。以方鈐方。亦分列湯散飲圓丹膏雜法等七類。類各自始至終。次第編鈐。授爾程式。便爾檢閱。且如一病有兼。幾證一方。通治幾疾。千變萬化。豈能盡合於方法耶。要在臨機應變。隨時取中。庶不有愧於斯道矣。丹溪朱先生有云。有論無方。無以模倣。有方無論。無以識證。誠斯言也。爾於初學之時。先讀儒書。方將脈經本草素問難經傷寒等書。循序相參。熟讀兼之。攷究茲集。知陰陽逆順氣運變化藏府標本脈候虛實方者。古人用藥方法。務須潛心燈案。勤於記誦。研精覃思。造其微。

妙則洞然可曉了。無疑滯於胸次。一朝臨證診候。原病施治。不啻良將之決勝耳。何易易哉。又當持心忠厚。愛物恕己。則無得罪於前人。况亦不失為良醫也。此書之集。予固知不能盡善。而於爾輩之習學。則亦不無萬一之助也。爾更能窮究聖賢全書。就其學識高明者。而未正焉。是亦予之所望云。昔大明成化歲在甲午。上元吉且。恕齋書示諸子。  
嘉定縣志曰。唐椿字尚齡。參考諸家方論。至老不倦。起臥飲食。未嘗去書。所著原病集論七情六淫之傷。飢飽勞逸之過。為鈐法鈐方醫之指要。無所不具。今方術家多宗之。

明志四十卷

存

自序曰醫之爲道其道博其義深其書浩濶其要不過陰陽五行而已蓋天以陰陽五行化生萬物其稟於人身者陰陽之氣以爲血氣表裏上下之體五行之氣以爲五藏六府之質由是人身具足而有生焉然陰陽錯綜五行迭運不能無厚薄多少之殊故稟陰陽五行之氣厚者血氣藏府壯而無病薄者血氣藏府怯而有病陽多者火多性急而形瘦陰多者濕多性緩而形肥陽少者氣虛表虛上虛而易於外感陰少者血虛裏虛下虛而易於內傷况乎人以易感易傷之軀

徇情縱慾不適寒溫由是正損而邪客陰陽藏府愈虛愈實或寒或熱而百病出焉故診病者必先分別血氣表裏上下藏府之分野以知病受之所在次察所病虛實寒熱之邪以治之務在陰陽不偏傾藏府不勝負補瀉隨宜適其病所使之痊安而已然其道自軒岐而下仲景詳外感於表裏陰陽丹溪獨內傷於血氣虛實東垣扶護中氣河間推陳致新錢氏分明五藏戴人熟施三法凡歷代方書甚衆皆各有所長耳故後世用歷代之方治病或效或不效者由病名同治法異或中其長或不中其長故也姑舉一病言之設惡熱病熱病之名同也其治之之異四君治血實之熱也四物治血虛

之熱也。白虎治氣實之熱也。補中治氣虛之熱也。麻黃治表熱也。承氣治裏熱也。四逆治假熱也。柴胡治真熱也。瀉青導赤瀉白滋腎瀉黃治五藏熱而各異也。各能洞燭脈證而中其肯綮則皆效。其或實用虛法虛用實法表用裏法裏用表法真用假法假用真法則死生反掌之間尚何責其效乎。有不悟是理泛用古今之方妄試疑似之病每致大橫者不少矣。若是者虛竊濟生之名實所以害人之生亂醫之生孔子以御亂亂德為德之賊斯則醫之賊也。暗損陰陽神明不佑可不謹哉。英爰自髫年潛心斯道上自內經下至歷代聖賢書傳及諸家各方書讀夜思廢食忘寢者三十餘載始

悟十變萬化之病態皆不出乎陰陽五行蓋血氣也表裏也上下也虛實也寒熱也皆一陰陽也五藏也六府也十二經也五運六氣也皆一五行也。鱗集於魚輻輳於轂醫之能事畢矣。是不揣蕪陋擬拾經傳方書一以陰陽藏府分病析法而類聚之分病為門門各定陰陽藏府之部於其卷首也大綱著矣。析法為標標各撮陰陽藏府之要於其條上而衆目彰矣。病有同其門者立枝門以附之法有同其標者立細標以次之。凡經有衍文錯簡脫簡者一以理考而釋正之傳失經旨衆論矛盾者各以經推而辨明之庶幾諸家之同異得失得以曲暢旁通精粗相目巨細畢舉同病異法如指諸掌名

之曰醫學綱目藏之中筭以便考求使夫臨病之際自然法  
度有歸不致悞投湯劑而害生亂醫獲罪神明者矣雖於軒  
岐心法之妙不敢同年而語然亦天地生物之心一助云耳  
蕭山仙居岩樓英全善撰

紹興府志曰樓英蕭山人字全善精於醫居元度巖有仙巖  
文集二卷又著氣運類註四卷醫學子綱目四十卷

盧氏志增定醫學綱目

未見

按右見于古今醫統

呂氏尚清經驗良方

一卷

存

自序略曰予雖不精於醫竊慕宜公之義每於讀書之暇檢  
閱孫允賢李東垣楊宜魏君用諸公秘術之書有益於人身  
者以類編集名曰經驗良方

黃氏濟本草權度

醫藏目錄三卷

存

徐春甫曰黃孝子名濟字世仁餘姚人景泰以孝行聞業  
醫術盡其妙詔旌其門

按謝丕有黃孝子傳王守仁有終慕記並附于是書卷末孝子傳蓋成化中人也徐氏曰景泰中以孝行聞失考

黃氏武醫學綱目

未見

按石見于山陰縣志

醫籍考卷五十五

醫籍考卷五十六

東都丹波元胤紹翁編

方論三十四

程氏介松崖醫徑

四卷

未見

徐春甫曰程介新安槐塘人號松崖登成化申辰科李旻榜進士為人愷悌性好醫方心存仁濟所著有松崖醫徑四卷

程氏應旄醫徑句測

二卷

存

自序曰松崖醫徑分有上下卷余所梓者特其上卷內所載之脈圖與圖內之方非醫徑全書也梓成客有閱而嘲焉者謂世有異人必有異書以松崖先生之天材間出精靈博奧之學尊推于諸先達者間不容口相傳其生平著述滿家滿車一切琅函秘笈悉於易寶時假祝融力載歸白玉樓則此之醫徑一帙固先生之吉光片羽也常年胡不神奇其書得與若之神經遁甲等乃以經之一字名編先生其猶有蓬之心也夫余無以譬之今歲春王正月雨却多暇得以繙及仲景之傷寒論間取先生之脈圖而覆檢之乃知先生之取徑

殆與仲景同一輪蹄也仲景論傷寒首以脈法先生前其脈圖以之仲景論傷寒署以六經先生分配六部以之仲景論傷寒曰陰陽表裏府藏先生區脈以浮沉虛實冷熱以之仲景論傷寒先脈後證各有主方方雖一成而有互用先生各具其證與處方於每圖之下方亦一成而有互用以之余因以讀仲景書法讀先生書吟哦索味之下遂得句先生之圖於徑之中併得測先生之圖於徑之外部於上者心與肺中有徑焉測之而得夫營衛之布宣津液之輪沛也部于中者肝與脾中有徑焉測之而得夫樞機之旋轉鼎鼐之蒸騰也部於下者兩腎中有徑焉測之而得夫龍鰲之動靜水火之



抱離也。至於徑分左右測之，而知陰陽之道路，不得及遠徑。列崇卑測之，而知山澤之降升，要須互換他如五藏六府四體百骸有谿有谷有原有街，其間經隧井然，步里秩然，莫非怪也。則何莫可測之，而得其交會，得其阻輸，蓋人身一天地也。四海九州具焉，輿圖載彼藏府三指是我路程，人無路程幾何不南轅而北其轍，梯山而航及海，以此測先生之鑿徑。固先生醫學中一帙，四海九州地母經也。豈惟醫事以此測先生之生平，凡精靈博奧之學，現諸琅籤秘笈者，何莫由斯徑也。醫其可以不徑哉。不徑則滄海能不通而涉泰山，可不卑而登吾意其人遇淵必躍，墮在是矣。否則得牆而面，無或

草

撞乎徑之為言路也。浮沉遲數虛實冷熱之間，若大路然，醫而隕與撞寧致有此。况今宗風大盛，誰不帝畿京觀其人者。即使町畦之子，朔南未辨，亦復此據一丘，彼擁一壑，凡山徑之蹊間，蒙茸荆棘處，無不設有一座，終南在其跬趾下者。若與先生聞捷，恐徑又在彼而不在此，則豈特先生之徑，其猶有蓬之心，而余之為此測，其猶有蠱之心也。夫是又不能為先生解嘲於萬一也。歲康熙九年庚戌正月燈節後三日，新安暨程應旋郊情甫識。

郁氏震醫書彙要集

未見

徐春甫曰郁震字鼎文，蕪州常熟人。累世業醫。至震尤讀書，尚氣節。初以明醫徵至京，復以才武從偏師，經畧西域。諸國者三，以功賜三品服。世授蘇州府醫學正科。著醫書纂要集等。

周氏溥 方法考源

未見

用藥歌括

未見

按右見于河南通志

鄭氏鎰 雲嶠醫說

國史經籍志十卷

未見

祥符縣志曰：鄭鎰字尚且，業醫。療病多神異。問奇探秘，年逾七十，著述不輟。有續醫說、杏花春曉堂方、方法考諸書，行於世。

杏花春曉堂方

未見

方法考

未見

醫書百朋

未見

按右見于開封府志志作鄭誼似誤

費氏傑名醫抄

未見

山陰縣志曰費傑字世彥曾大父子明為元世醫宗傑故以醫承其家性古慤敦篤邑人患劇疾雖百里外必迎候傑至投一二劑輒效嘗設藥餌以週邑之貧獨葬疏遠無歸者數十人嫁外姓之孤者五人郡守戴堉尤重其雅誼加賓禮焉所著有畏齋詩稿名醫抄經驗良方為世所宗

經驗良方

未見

徐氏沛醫學決疑

未見

松江府志曰徐沛字澤卿少從周萊峯游以文章行誼相切劇讀書博涉尤精內經用以診疾輒起所著有方壺山人稿及醫學決疑

劉氏倫濟世內科經驗全方

三卷

存

高氏祖鈐法書

一卷

未見

一青州府志曰高祖益都金嶺鎮人性醇厚正直以濟利存心弘治間傳異人醫術直抵精明診視察故辨證出奇天下讓能群醫莫及時號為盧扁尤專傷寒鈐法定脈不差時刻所全活者不可勝計抱疾未療者踵門無虛日尤注念貧困家務與善藥未嘗有責報心行年七十餘卒逮屬續問藥者猶在門也所著有鈐法書一卷

周氏文采醫方選要

十卷

存

興獻王序曰周官醫師掌醫之政令聚毒藥以共醫事曰王之食飲曰萬民之疾曰疢瘍者皆有醫先生懋先人之德又濟之以生生之具故人彌厥性罔有闕札者豈非順化之治哉迨我祖宗治政師古設有內外醫醫院局若所為慮已深為具已悉為天下賴已廣即周官之良法美意亦不能過是但名醫多萃於都邑而窮簷蔭壁疾病者何限惠政先於所近而遐陬僻壤率多庸醫如是而求仁澤之無滲漏其可得哉然欲俾醫道之無間而仁澤之旁洽非假醫方以博眎之不可也吾受封以來脩齊之暇每令良醫周文采等於諸方

書中精選其方之簡明切要而有微功者以進吾躬為較閱  
得十卷裒成一帙名之曰醫方選要以與天下疾病之人共  
之苟遍得是書所選簡要之方以攻所疾則率斃之命庶乎  
可生而為太平考終之人矣雖然人所自致之病是方或可  
治之若其病於凍餒病於徭役病於憲綱病於征輸病於鋒  
鏑之患而不能起者則惟好生之聖天子若贊化之賢宰執  
能相與消息調停以通其關節脈絡而生之全之安之養之  
俾少可壯壯可老少壯可終事其老而成躋於壽域烏顧敢  
謂是方之能爾哉國語曰上醫醫國其次醫人蓋此之謂歟  
因序而書之篇端時弘治乙卯冬十一月望大明興王書于

### 中正齋

自序畧曰弘治乙卯秋七月既望敬蒙王殿下令旨命臣文  
采集錄醫方臣悚愧之餘遂稽顙再拜而嘆曰仁矣哉我王  
之用心也蓋仁之蘊於中者深厚而莫測故其發於外者充  
大而難禦惟殿下天衷純粹纖欲不留仁之蘊於中者而其  
深厚可知以故發而為孝敬為友愛為恩禮為慈祥以撫眾  
其仁之發於外者亦可謂充且大矣而處者意尤以為人之有  
身不能無疾攻疾之要非藥石不可然藥石之當否又係乎  
醫方之良不良耳于是不以臣為愚陋乃命集錄古今良方  
欲嘉惠遐邇其仁之充大又可以勝言哉臣幼承家學服膺

有年第以質性愚劣雖苦心極力未能得其要領今祇承睿命遂忘其鄙陋勉強擇出平日所聞所見及常用有驗之方去其繁而就其簡分門別類凡十卷名之曰醫方選要庸成編帙敬陳睿覽然但愧其擇之未當無以上副殿下壽衆之仁心也他日賜及遠近使人因是疾用是方而儻獲功效之一二是豈臣之能所致哉實惟殿下之仁有以及之也仁之澤愈流而愈長天之度益臻而益熾胤祚綿遠與國咸休蓋將並天地之悠久矣臣草茅賤質臨書不勝惶懼之至謹拜首誓首上言弘治八年冬十月吉且良醫副臣周文采再拜謹書

徐春甫曰周文采興府良醫得內經之要旨該究諸氏方書治療盡效睿宗獻皇帝命選經効奇方編次成書共損民瘼世宗繼念生民疾苦復梓頒行天下各醫方選要

四庫全書提要曰醫方選要十卷周文采編李時珍本草綱目引作周良采字之譌也其里貫未詳是書乃其為蜀獻王椿侍醫時承獻王之命所作則洪武中人也每門皆鈔錄古方而各冠以論嘉靖二十三年通政使顧可學奏進詔禮部重錄付梓仍行兩京各省翻刻前有獻王序及文采自序併載禮部尚書費舉題覆疏二篇蓋亦翻刻本也

按是書弘治八年憲宗第四子興獻王祐杭命良醫周

文未而所編也。獻王及文未序，詳記其年月，提要曰：洪武中蜀獻王椿所命，其失檢之甚，何至于此。

應氏應刑補醫方選要

十卷

存

王氏王本單單方

明志八卷

存

自序曰：予讀大觀本草，見漢晉以來神醫名方，往往具在，間取試之，應手而驗，乃知藥忌群隊，信單方之為神也。而世不

及見窮鄉下邑，獨以海上方為良，不知古方固猶在，予而散見菜出，倉卒之際，未見檢尋。予在翰林日多暇，予自抄錄為一編，對病檢方，較若畫一，不敢自秘，因梓刻以傳於予群隊之患，非獨醫藥也。用人用兵，蓋莫不然。有能得是方而治之，其可少瘳已乎。弘治丙辰翰林院侍讀學士兼左春坊左諭德王鏊序。

又曰：始余摭摭諸方，未克彙粹。吾弟秉之益加蒐討，許忠甫又細校之，始有端緒。又以近世名醫如東垣、丹溪之論，冠諸篇首，庶覽者曉知病因，隨病用藥，命延詰刻而傳之。

錢謙益曰：王少傳鏊字濟之，吳縣人。成化十一年進士及第。

自編脩歷官吏部右侍郎正德元年入內閣進戶部尚書文淵閣大學士加少博改武英四年致仕嘉靖初遣行人存問將召用而卒謚文恪

方氏如川重證本草單方

六卷

存

自序曰古稱神農嘗味得藥三百六十五種分上中下三品養性養命攻病各從其類世漸增多著見本經茲不具論如華元化以萍藿吐蛇盛怒愈疾迺品外單行庸非長桑公求秘禁者耶唐代猶尚目為天寶單方槩宋纂脩本經隱括百

氏可謂該備金元諸家背經撰論創湯液本草遂與微言脫異禁方迥別矣農皇道篇至是中輟吁此醫藥之大變也故外經亡於漢而望色聞疹之法替他書焚於魏而抽割瀹洗之技衰本草背於胡而處方和濟之道隱謬戾相仍踵羅天枉作偏流毒者固農皇之罪人蓋日中則仄不私於人者便之然也明興掃清寰宇氣運聿迴方今海內元老頻膺上壽恩詢非一昭於國典寧令大和元氣有擁闕不流於是集大史荐出禁方佐夢圃鄭先生濟窮鄉下邑之無從就療者板行意且未愜欲輯本草單方廣設津梁屬余偕鄭克明氏校閱求與古合若從舊刻及續編其諸病候弁以金元時語譬



之太玄系易繇辭其不可也必矣昔人欲刊正周易及諸藥方先詣祖訥共論祖云辨釋經典縱有異同不足以傷風教至於湯藥小之不達便致壽夭所由後人受弊不少何敢輕以裁斷余鑑此言特搜古論易方藥悉遵本經庶幾聖哲靈蹤循轍可訊其諸異且條載凡例云新都後學方如川撰鄭澤序曰自高氏之脈訣行而王叔和之脈經不講識者謂亂人脈者訣也夫周身經絡合周天纏度天行萬古無舛則人精息息相通以手拊手者尚曰或亂之也而况金石草木飛潛蠕動五方之風土既三品之貴賤復殊繁而考為僅一本州猶將并髦弃之則源之不窮流於何有夫本草者大

神聖聖世之經諸賢哲翼聖之業且然也又安望所載之單方人競讀哉吾里方君士弱以儒貫醫博綜之餘窮心本草舉震澤單方舊本敷理闡精刊訛正緒而著就一編為若干卷余得手讀之較余曩者所集經驗方庖醫迥別矣因為士弱斯編也天生地養成性不變經之謂也聖作明述執理不易方之謂也是有體之學也體既備矣用斯賅矣藉令察病者影響按方者仿佛下圭投劑和害參半則此方不幾窮乎顧非窮於方窮於用耳余顧用是者寧以方合病毋以病合方蓋中出青習門功是又為有用之學士弱以為何如士弱曰善請梓行之俾同志知所用焉則且與脈經相表裏

矣萬庚戌端陽日墨寶齋居士鄭澤題

王氏論明醫雜著

一卷

存

自序曰予脩本草集要既板行矣或問於予曰子之本草人皆愛之然尚復有他書可行者乎予荅之曰有而未成也予嘗欲著隨證治例使窮鄉下邑無名醫者可按方治病開戶一月纂成五篇後覺漸難下手而止又見諸發熱證多端而而世醫混治悞人遂欲分別諸證萃為一書嘗著論一篇以見大意又嘗欲續丹溪語餘錄論等書著得醫論二十條及

補陰積木等九方論皆未及成書今方奔走仕途何暇及焉俟他日退休林下庶可續成諸書以行世也因出示之或者曰此雖未成書然皆切要之論人所急欲用者吾聞仁者急於救人若蚤得一條一論以開迷悞濟困苦以甚美矣何況連篇累牘有如此而不蚤出示人乃曰必俟他日成書焉無乃珍秘吝惜恐非仁人之心耶予笑曰豈有是哉子乃以是責我請遂出之遂名曰明醫雜著鈔梓以傳尚俟他日續成全書以畢予志弘治十五年歲次壬戌夏五月既望賜進士出身亞中大夫廣東布政司左參政慈谿王綸汝言書劉桂曰凡人血病則當用血病若氣虛血弱又當從血虛以

人參補之陽旺則能生陰血也東垣曰血脫益氣古聖人之良法補胃氣以助生發之氣故曰陽生陰長用諸甘劑為之先務舉世皆以為補氣殊不知甘能生血此陽生陰長之理也故先理胃氣人之身內以穀氣為實近時醫者多執王汝言明醫雜著云陰虛誤服甘溫之劑則病日增服之過多則死由是一切脾胃飲食勞倦之證認為陰虛惟用四物湯加苦寒之藥吾恐地黃當歸多能戀膈反傷胃氣所謂精氣血氣何由而生血未見生而穀氣先有所損矣昔一士人形肥而色白因見明醫雜著所載補陰丸服之數年形瘦短氣蜀醫韓天爵用辛熱劑決去其滯餘而燥其重陰和平無恙此

則未達方書而輕率自誤可不戒哉

薛氏已明醫雜著註

六卷

存

王氏論醫論問答

一卷

存

沈氏時譽醫衡

未見

蘇州府志曰沈時譽字時正華亭人工醫曾徙吳居桃花塢唐

寅別業切脈若神技劑輒起晚年築室山中著醫衡病議治  
驗諸書

病議

未見

治驗

未見

七名氏保生餘錄

無卷數

存

按是書分大人科眼科口齒咽喉科外科婦人科小方

脈科六門不析卷數嘉靖甲申南汀賴恩序稱古有保  
生餘錄一部鄞鄉致張君廷韶先君子以菴先生尸齊  
東時刻梓印行以惠人人云則當時既不詳成于誰子

傳氏滋 醫學集成

明志十二卷

存

徐春甫曰傳滋字時澤號漫川浙之義烏人敏穎博學下問  
謙恭醫術甚精且不自足活人不伐著醫學集成

醫學權輿

四卷

存

按胡文煥百家名書所刻書僅一卷不著撰人名氏蓋係所節鈔

饒氏鵬節畧醫林正宗

八卷

存

黃玖序畧曰臨川饒東溪叟之醫之學得其源委已入危矣如手發蒙余偶入廣經長樂徂暑用其藥果驗間適迎藥者爽實余且待待時天氣斗熱東溪不旋踵而至曰藥服子從者訛其慎重如此是能知所敬矣一日來余情暇袖其平日

手纂仲景東垣等四子醫要一集請曰吾每奏効於貴遊家有此願畀一言以弁其端東溪江右人也久遊廣海天隆其壽游久則閱歷熟壽隆則智慧精手纂四子之要可謂得醫學之的者矣東溪執昔者之敬而不衰斯可將四子而有淮陰矣於乎主敬一說所關最大豈特止於醫哉功用宏博實吾儒之家法也醫於儒有迹可與言故言之叟名鵬字九萬以醫功冠帶於正德壬申之禩東溪其別號云

虞氏博醫學正傳

明志八卷

存

自序曰夫醫之爲道民命死生所繫其責不爲不重藉或不  
經儒術業擅偏門懵然不知正道不反幾於操及以殺人乎  
粵自神農嘗百草製本草軒岐著素問越人作難經皆所以  
發明天地人身陰陽五行之理卓爲萬世醫家祖不可尚已  
厥後名醫代作躡聖門而探玄微者未易悉舉又若漢張仲  
景唐孫思邈金劉守真張子和李東垣輩諸賢繼作皆有著  
述而神巧之運用有非常人所可及也而其所以辨內外異  
攻補而互相發明者一皆祖述素難而引伸觸類之耳其授  
受相承悉自正學中來也吾邑丹溪朱彥修先生初遊許文  
懿公之門得考亭之餘緒爰自母病刻志於醫未師於武林

羅太無而得劉張李三家之秘故其學有源委術造精微所  
著格致餘論局方發揮等書皆所以折衷前哲尤足以救偏  
門之弊偉然百世之宗師也東陽盧和氏類集丹溪之書爲  
纂要俾醫者出入卷舒之便其用心亦勤矣愚以觀之尤未  
足以盡丹溪之餘緒然丹溪之書不過發前人所未發補前  
人所未備耳若不參以諸賢所著而互合爲一豈醫道之大  
成哉愚承祖父之學私淑丹溪之遺風其於素難靡不苦志  
鑽研然義理玄微若坐豐蔀迨閱歷四紀于茲始知蹊徑今  
年七旬有八矣桑榆景迫精力日衰每憾世醫多蹈偏門而  
民命之夭於醫者不少矣是以不揣荒拙銳意編集以成全

書一皆根據乎素難從橫乎諸說傍通己意而不鑿以孟浪  
之空言摠不離乎正學範圍之中非敢自以爲是而附會以  
誤人也目之曰醫學正傳將使後學知所適從而不蹈偏門  
以殺人蓋亦端本澄源之意耳高明之士幸毋謂爲皆正德  
乙亥正月之望花溪恒德老人虞搏序

徐春甫曰虞搏字天民號恒德老人浙之義烏人世業醫搏  
幼穎悟承家傳之學深究素問治効益高晚年八旬有醫學  
正傳行世

四庫全書提要曰醫學正傳八卷明虞搏撰搏字天民自號  
花溪恒德老人義烏人是書成於正德乙亥其學以朱震亨

爲宗而參以張機孫思邈李杲諸家之說各選其方之精粹  
者次於丹溪要語之後復爲或問五十條以申明之

方脈發蒙

明志六卷

未見

蒼生司命

八卷

存

周氏宏衛生集

醫藏目錄四卷

未見

四庫全書提要曰：衛生集四卷，明周宏集。宏始末未詳。前有正德庚辰宏自序，復繫以五言律詩一章，詞頗近俚。其論外感法、仲景內傷法、東垣濕熱法、河間雜病法、丹溪尚屬持平之論，然亦大略如是，未可執為定法也。

沈氏綬 山林相業

十卷

未見

黃氏 五辰 醫家正旨

六卷

未見

按石見于江陰縣志

醫經正宗

八卷

存

朱氏 治病要語

十二卷

未見

曹于汴序曰：余曩聞縫藩東壁公所自撰墓誌銘，服其達於生死賦小詩贊之。此觀辛復元氏所為公傳，更悉諸懿行，復



元向余言公晚年孳孳於學公之孫誠一奉公命從辛子遊  
能安其貴而篤於道一氣鍾耶庭訓耶俱可窺矣誠一子公  
所著治病要語示余以仁義禮智信五字爲基臚列十要而  
參以素問本草及諸家方訣爲卷十二蓋壽天下之書也誠  
一曰吾祖初著此書計卷四十繼減爲二十又繼減爲十二  
此亦先世所稱日減而近於放下之指矣世人能指技倆埒  
此者亦鮮即此是學即此是道宜其達於生達况以下區區  
世味烏能動乎吁嗟晞公者且從生死以下忽動仰節堂集  
下有闕

醫籍考卷五十六

